

Inatsisartut suleriaasianni § 37 immikkoortoq 1 naapertorlugu Naalakkersuisunut apeqqutit imaattut saqqummiuppakka:

1. **Qulimiguullip Bell 212-ip qeqertarsuup tunuani ilaasunik angallassitutinnortup allamik taarserneqarnissaa qaqagu naatsorsuutingissavara?**
2. **Qeqertarsuup tunuani 1. Januar 2013 aallarnerfingalungu ilaasunik angallassineq eqqarsaatingalungu ajorseriaateqarpat suut pitsanngorsaatissatut eqqarsaatigineqarpat?**
3. **Allakkat Qasigianguanukartut 1. Januar 2013-imiit sukkanerusumik ingerlanneqartalernissaat qulakkeerniarlugu qanoq iliuuseqartoqarpa?**
4. **Sapernguneq pequtaalluni timmisartut qulimiguullillu uniinnartarnerannik kinguneqartumik unnuisarfinnik atuisarnermi aningaasartuutit amerleriarnissaat naatsorsuutingineqarsimava?**

(Kristian Jeremiassen, Siumut)

**Tunnngavilersuut:**

Bell 212 atorsinnaangilaq, maannakkumut misilittakkat takutereerpaat. Kinguaattoornerit aallangittoorluni uniinnartarnerit Qasigianguani innuttaasugut misingisalereerpangut piffissap sivikitsuaqqap ingerlanerani, qularnangilaq Bell 212 taamaattuaannassasoq sapernujanera pissutingalungu. Sullissineq pitsaanerulinngilaq ajorseriaateqarpoq 1. Januar 2013 aallarnerfingalungu.

Angallannikkut ajornerusumik ingerlatsisoqalerneratigut paaserusuppara ilaasunik angallassineq eqqarsaatingalungu qanoq pitsanngorsaanissamut sillimasoqarsimansoq.

Taamatuttaaq 1. Januar 2013 aallarnerfingalungu Qasigianguanut allakkat ingerlanneqartarneri sukkanerusumik apuunneqartalernissaat qanoq qulakkeerneqarsimansoq paaserusuppara, assersuutingalungumi aviisit pisoqalereersut soqutaajunnaareertullu Qasigianguanut tikittarput nutaarsiassatut taaneqarlutik uffa qanganitsereersut.

Piaarnerpaamik akineqarnissara kissaatigaara.